

समां - 12:25 hrs.

<><><><><><>

### **Darbar Move**

चंऊ बरे दे अंतराल मगरा 6-6 महीने दे वक्फे दे बाद होने आहली ऐतिहासिक “दरबार मूव” प्रथा अज्जै थमां परतियै शुरु होआ रदी ऐ। श्रीनगर च कल हफ्ते दे पंज दिनें तगर कम्म करने आहले दफ्तर बंद होई गे जिसलै के 6 दिनें तगर कम्म करने आहले दफ्तर अज्ज बंद होई जागंन। जम्मू च एह सब्भै दफ्तर सोमवारें 3 नवम्बर गी परतियै खुल्ली जागंन। जम्मू-कश्मीर सिडक ट्रांस्पोर्ट कार्पोरेशन नै अज्ज ते कल मुलाजिमें लेई लोडचदी गइडियें दा बंदोबस्त कीते दा ऐ। इस गैह दे इक हिस्से दे तौर पर मुखमंत्रि सचिवालय सनै 39 प्रमुख दफ्तर पूरी चाल्ली जम्मू च मुंतकिल कीते जागंन,जिसलै के 47 मैहकमें आंशिक तौरा पर इत्थे आहन्ने जागंन। गौरतलब ऐ जे 147 बरे पैहले डोगरा राजवंश आसेया रणनीतिक ते जलवायु कारणें करी शुरु कीती गेदी “दरबार मूव” दी प्रथा गी खर्च घट्ट करने आस्तै 2021 च बंद करी दिता गया हा।

<><><><><><>

### **LG States/ UT Foundation day**

उपराज्यपाल मनोज सिन्हा होरें छत्तीसगढ़- हरियाणा- कर्नाटक- केरल- आंध्र-प्रदेश- दिल्ली- तमिनाडू- पंजाब- चंडीगढ़- मध्य-प्रदेश-अंडमान ते निकोबार लक्षद्वीप ते पुडुचेरी दे लोकें गी उन्दे राज्य ते केन्द्र शासत प्रदेशें दी स्थापना दिवस दे मौके पर मुबारकबाद दिती ऐ। सोशल मीडिया पोस्ट च लिखे दे स्नेह च उर्ने कामना कीती जे औने आहले बरें च राज्य ते केन्द्र शासित प्रदेश तरक्की ते विकास दी नर्मी उंचाइयां हासल करगंन। उपराज्यपाल मनोज सिन्हा होरें इर्ने इलाकें दे सब्भनैं बसनीकें दी खुशहाली- उंदी सेहत ते तरक्की लेई बी कामना कीती।

<><><><><><>

### **India-Pak**

भारत नै पाकिस्तान दे पाखंड गी उजागर करदे होई उंसी सख्त लफ्जें च स्नेहा दिता ऐ जे ओह पाकिस्तान दे नजैज कब्जे आहले जम्मू-कश्मीर च लोकें दे खुल्ले विद्रोह गी दबाना बंद करै ते फौज आसेया उत्थू दे लोकें दे मनुक्खी अधिकारें दा उल्लंघन करने थमां परहेज करै। संयुक्त राष्ट्र महासभा च भारत दे संयुक्त राष्ट्र मिशन दियां प्रथम सचिव भाविका मंगलंदन होरें आखेया जे पिच्छले किश हफ्ते च पाकिस्तानी फौज ते होरनें सुरक्षा कर्मियें- कैई बेकसूर नागरिकें दी हत्या कीती ऐ जेहड़े पाकिस्तान दे नजैज कब्जे आले जम्मू-कश्मीर दे किश हिस्सें च अपने मूल अधिकारें ते सुतंत्रता लेई आंदोलन करा'रदे हे। उ'नें अगगे आखेया जम्मू-कश्मीर ते लद्दाख भारत दा अनव्रुट हिस्सा न। उ'नें जम्मू-कश्मीर दे लोकें दी चुनाएं च हिस्सेदारी गी भारत दे लोकतंत्र दी मजबूती दस्सेया।

<><><><><><>

### **Heli Services**

कल्लै थमां जम्मू खिते दे पहाड़ी ते बर्फीले इलाकें च सब्सिडी आहली हैलीकाप्टर सेवां शुरु होई जागंन- जेहदे कन्नै मुकामी बसनीकें गी बड़ी मती राहत थहोग। जंदे रोज जम्मू दे डिवीजनल कमीशनर रमेश कुमार हुं'दी अध्यक्षता च इस पैहलकदमी गी गी शुरु करने दियें तयारियें दा जायजा लैता गया। एह सेवा जम्मू गी पुंछ-मैंढर-रजौरी-डोडा ते किश्तवाड़ कन्नै जोड़ोग ते स्यालै दौरान किफायती ते भरोसेजोग ब्हाई सम्पर्क उपबल्ध करोआग। अधिकारियें दस्सेया जे इस पैहलकदमी कन्नै यात्रा सरबन्धी मुश्कलें गी घट्ट कीता जाई सकोग-जरूरी सेवाएं तगर पुज्ज च सुधार होग ते जम्मू खिते दे पहाड़ी जिलें च इलाकाई सम्पर्क च बाददा होग।

<><><><><><>

### **Jmu Train Ops**

जंदे अगस्त म्हीने खिते च भारी बरखा करी होए दे नुक्सान दे मगरा रेल सरिस्ते गी हुन परतियै बल्लें-बल्लें पूरी चाल्ली ब्हाल कीता जा'रदा ऐ। इस अभियान दे 6में गेड़ तैहत जम्मू ते कटरा थमां लम्मे पैंडे आहिलयां 4 ट्रेनां, अपनियां सेवां फही शुरु करा' रदियां न। आकाशवाणी दे जम्मू संवाददाता दी रिपोर्ट मूजब, श्री माता वैश्वो देवी कटरा थमां योगनगरी ऋशिकेश लेई चलने आहली ट्रेन अज्ज दपैहरी मगरा इत्थुआं रवाना होग जिसलै के श्री माता वैश्वो देवी कटरा थमां कोटा लेई चलने आहली ट्रेन कल 2 नवम्बर

थमां अपनी सेवा शुरु करोग। इस्सै चाल्ली जम्मू तवी थमां बांद्रा टर्मिनस मुम्बई तोहड़ी चलने आहली ट्रेन औंदी 3 नवम्बर थमां फही शुरु होग ते श्री माता वैश्वो देवी कटरा थमां कामाख्या लेई चलने आहली ट्रेन औंदी 5 नवम्बर थमां संचालन फही शुरु करी देग। जम्मू रेलवे डिवीजन दे वरिष्ठ डिवीजनल कर्मिशियल मैनेजर उचित सिंघल होरें दस्सेआ ऐ जे पिच्छले द'उं म्हीनें दरन 5 गेड़ कामयाबी कन्नै पूरे कीते गे न ते औंदे नवम्बर म्हीने थमां इस अभियान दे 6में गेड़ तैहत लम्मे पैडे आहिलयां 4 रेलगड्डियां फही शुरु कीतीआं जा'रदिआं न।

<><><><><><>

### **Prog. Announcement**

आकाशवाणी जम्मू दा क्षेत्रीय समाचार एकांश जम्मू-कश्मीर आजीविका मिशन दे तैहत आप सहायता समूहें राएं महिला सशक्तिकरण विशे पर 30एं मिन्टै दा विशेष चर्चा कार्यक्रम पेश करा' रदा ऐ। एह खास प्रसारण हूने किश चिरे मगरा साङ्ढे 12 बजे प्रसारित कीता जाग। स्हाढ़े परौहने जम्मू-कश्मीर ग्रामीण आजीविका मिशन दियां मिशन निदेशक शुर्भा शर्मा, कार्यक्रम दे विशे पर अपने माहिराना विचार सांझे करडन। इस कार्यक्रम दी मेजबानी स्हाढ़ी एंकर श्रुति खजूरिया करडन। एह कार्यक्रम तुस इस्सै चैनल मीडियम वेब 303 मीटर यानि 990 किलोहर्टज ते एफ.एम 100 अशारिया 3 मीटर हर्टज पर सुनी सकदे ओ।

<><><><><><>

### **KWFF**

5मां कश्मीर विश्व फिल्मोत्सव अज्जै थमां शुरु होआ रदा ऐ। 7 नवम्बर धोड़ी चलने आहले इस फिल्मोत्सव दा उदघाटन अज्ज श्रीनगर दे टैगोर हाल च कीता जाग। इनें 7एं दिनें दौरान भारत ते विदेशें थमां ताली गेदियां 60 फिल्मां दस्सियां जाहगंन- जिंदे च दर्शकें गी फिल्म निर्माण कौशल दे इलावा बक्ख कलाएं सांस्कृतियें ते भाषाएं दा बी बनसब्बना छलैपा दिक्खने गी लब्बोग। इस आयोजन थमां मेद कीती जा रदी ऐ जे एहदे नै फिल्में ते फिल्म निर्माण गी लेइयै लोकें च दिलचस्पी बधोग।

<><><><><><>